

ADVIS

# AV ROY

1615

8. Car. 17 12

L. 20334

MD.C.XV.

THE NEWBERRY  
LIBRARY

Case

F

39

.32C

1615 advz

SIRE, 47-2035

TOUT ainsi que les Roys representent l'image de Dieu en terre, & ne recognoissent que sa toute-puissance, aussi doiuent-ils prendre vn soin extrême de faire exactement obseruer ses commandemens, rendant & faisant rendre la Iustice à ses subjets & non pas se laisser emporter aux débordemens & lasciuetez mondaines, qui bien souuent engendre aux peuples vn mespris, lequel en perdant leur reputation, leur fait perdre l'autorité: Ce qu'ils éuiteront, en considerant que les Royaumes qu'ils possèdent ne leur sont donnez de Dieu qu'en depost, duquel vn iour il faut avec vsure qu'ils en rèdent compte au throsne de la Diuinité.

Cela les doit bien faire penser à ne faire Edicts & Ordonnâces que tres-sainctes, par la deliberation d'un bon & affidé Conseil, & telles qu'eux memes n'ayent point de honte de s'y as-

subjetir , d'autant que ceux qui ont  
sa souueraine puiſſance & en abuſent,  
on les voit par prodiges & actes fu-  
neſtes en vn moment perir.

Vn Prince bien né eſt vn miroir,  
dans lequel ſes ſujets contemplent  
naiſſement ſes actions, lesquelles re-  
cogneuës imparſaiçtes & viciuſes.  
leur arrache du cœur toutes affe-  
ctions, obeïſſances & ſeruices.

La plus grande aſſeurance qu'un  
Prince peut prendre de ſa perſonne  
& de ſon Eſtat, c'eſt en la bienveillan-  
ce de ſes ſubjets, laquelle ſ'eſt engendre  
pluſtoſt par les genereux déporte-  
mens qui ſont recogneus en luy, que  
d'aucune autre conſideration, laquel-  
le affection eſt ſi libre de ſoy que nul  
ne la peut forcer.

L'on verra par toutes les hïſtoires,  
lors que les Roys eſtoient électifs, les  
principales raiſons de leurs élections  
eſtoient fondees ſur leurs perfe-  
ctions & vertueux merites.

La vraye & plus asseuree obeyf-  
 sance se trouue en l'amour recipro-  
 que du Prince enuers ses subjets, luy  
 en leur rendant iustice, & eux l'obeyf-  
 sance, & n'y a rien qui puisse rompre  
 vn si sainct & estroit lien.

Homere appelle le Roy Agamem-  
 nom pasteur du peuple, Dauid est ap-  
 pellé celuy d'Israël: & les François ont  
 tousiours honoré leurs Roys vertu-  
 eux de quelque tiltre d'honneur, com-  
 me Philippes Auguste, Philippes  
 Dieu-donné, Charles le Grand, Loys  
 douziesme pere du peuple, & de fres-  
 che memoire Henry le Grand que  
 Dieu absolue.

Pour paruenir à ses belles & loüa-  
 bles qualitez, il faut entierement fer-  
 mer l'aureille aux flateurs, bouffons  
 & autres telles especes de Vipere, les-  
 quels par leurs blandisses & adula-  
 tions, portent les grands à toutes sor-  
 tes de vices, & par iceux au lieu des  
 loüables qualitez susdites, leur font



4  
acquérir celles de faineants & incen-  
sez, avec la perte de leurs Sceptres.  
Ainsi qu'il aduint à Childeric pre-  
mier, Loys le Faineant, & à Childe-  
ric troisieme du nom, lors que Pepin  
sous ce pretexte se feist eslire en sa  
place, encores qu'aucuns veulent di-  
re qu'il fust depossédé par le Pape Za-  
charie, ce qui n'a iamais esté: ains seu-  
lement comme chef de l'Eglise, vne  
simple approbation, par luy faicte de  
l'élection dudit Pepin par les Estats  
& nobles de la France. Ceste ceremo-  
nie plustost fondée sur le grand scru-  
pule & reuerence que nos antiés por-  
toiét au saint Siege qu'aucun droict  
que sa saincteté y eust, ou possible  
que les Euesques, que pour lors es-  
toient en France ne vouloient pre-  
ster leurs consentement sans ceste so-  
lennité.

Je ne mettray point en auant si les  
Papes ont puissance de dispenser les  
sujets de l'obeissance qu'ils doiuent

à leurs Roys : car ceste question a esté assez de fois agitée & reiettee, n'y ayant personne au monde, qui doive douter que le Roy de France tiene son Royaume autre que de Dieu & de son espee. Leurs sacres mesme & couronnement n'estants faits que par leurs subjets & tels qu'il leur plaist de nommer & choisir (ce que l'Empereur n'a pas) car il ne porte q̃ la qualité de Roy iusques à ce que sadicte Saincteté ou ses Legats luy ayent mis la Couronne Imperiale sur la teste : encores qu'aucuns se soient emacipez de dire qu'en qualité d'Empereur des Romains, sadicte Saincteté estoit son naturel sujet.

Vous verrez en plusieurs passages de l'Ecriture sainte, comme Dieu commande d'obeir aux Roys, voire iusques aux Discolles; encores qu'en ce temps là ils ne fussent qu'Electifs, qui monstre bien que l'élection en estant bien & solennellement faicte, ils n'en pouuoient estre par droit

Diuin n'y humain aucunement d  
possédez.

Combien doncques en plus forts  
termes sont nos Roys de France, qui  
non seulement ne sont donnez de  
Dieu, par le sang illustre de leurs de-  
uâciers droit successif & acclamation  
de tout le peuple: mais encores sont  
oings & sacrez, marque si saincte,  
qu'il n'y a queles possédez du Diable  
qui soyent touchez: car si telles spo-  
liations auoient lieu, il n'y auroit au-  
cun Estat assuré, & demeureroient  
les Roys à la discretion & volonté  
muables de leur peuples & subjets.

Les plus euidens perils qui arriuent  
ordinairement aux Estats, est quand  
pendant la minorité des Roys, ils  
sont despourueus de bon & sage con-  
seil, où quand negligéant la cognois-  
sance de leurs affaires se portent aux  
délices, & en laissent l'administration  
absoluë au tiers & au quart: car quel-  
ques gens de bien qu'ils soient, l'am-  
bition



bition de regner est si captieuse qu'en fin elles les enuoloppe dans les voiles de l'infidelité.

Pour se garantir de ses malheurs, le Prince bien aduisé s'esuertuera à faire bonne élection de personnes capables & de probité pour son Conseil, & se despoüillant de toutes passions les choisira par la cognoissance entiere que le temps & les occasions luy auront donnee de leurs vertus, & non pas vaines considerations & recommandation d'autrui.

Et sur tout qu'il se garde bien de perpetuer les charges & dignitez dans les familles : car c'est chose si dangereuse qu'ils ne le peuuent faire qu'en rauallant leurs authoritez d'autant qu'au moindre mescontentement qu'ils voudront prendre, estans alliez ou liguez ensemble, ils se peuuent distraire (si bon leur semble) du seruice qu'ils doiuent à leurs Princes,

& former dedans & hors le Royau-  
me, vn party qui feroit trop preiudi-  
ciable à l'Estat.

Si ceste maxime est vtile pour la Ma-  
jesté, l'élection des Ecclesiastiques &  
Magistrats de la Iustice ne sont de  
moindre consequence: car estans as-  
seurez des Beneficiers & Officiers qui  
sont en leurs maisons, non seulement  
ils negligent les lettres, mais les font  
mespriser aux plus beaux esprits du  
Royaume, pour se voir priuez de  
pouuoir par toutes sortes de vertus,  
arriuer à telles dignitez.

Ne vaudroit-il pas mieux par la  
manutention de l'amour des subjets  
enuers leurs Princes, de leuer sur eux  
ce que la Majesté tire de ses parties  
casuelles ou droict annuel, que de  
voir en sa presence & à son sceu, piller  
& saccager ses pauvre subjets, tant  
en leurs biens qu'en leurs vies par ses  
Ministres: à quoy il ne sçauoir reme-

dier, sinon en abolissant l'heredité & venalité desdites charges.

Il doit encores du tout reietter toutes sortes de partisans, comme pestes en son Estat, lesquels par inuentions diaboliques, bien souuent forment par ceux mesmes qui approchent plus pres de sadite Majesté, & sous noms supposez arrachent & succent le sang du pauvre peuple, sans qu'il en arriue le centiesme sol qui s'en leue aux coffres de sadiete Majesté.

Quand aux Financiers, forgerons de tels monstres, sadite Majesté pour s'en deffaire n'a qu'à commander à son Parlement de leur faire leur procès sans esperance de parts, comme ils eurent du temps du feu Roy, que Dieu absolue, par le moyen duquel, au lieu des chastimens que iustement ils meritoient pour leurs insignes larcins, tirerent outre &

par dessus ce que sadite Majesté en toucha plus de deux cens mille escus qu'ils arracherent par toutes sortes de violences des pauvres Officiers de tout le reste de la France, & qui n'estoient nullement coupables: ce faisant & laissant ainsi la liberté de la Iustice à sondit Parlement, elle tirera plus de deux millions d'or de leurs confiscations, pourueu que sadiète Majesté n'en gratifie personne auant qu'elles soient entrees en ses coffres. D'autant que les Iuges procederont bien plus exactement à l'encontre d'eux, quand ils verront qu'il y aura de l'intrest seul de sadiète Majesté.

Ourre & par dessus tout ce que dessus, s'il plaisoit à sadite Majesté prendre quelque fois la peine de se transporter en son Conseil & en son Parlement, pour y voir & faire administrer la Iustice à ses subjets, leur donnant luy mêmes par interuale des



Audiences particulieres, & receuoir leurs plainctes, il ne prendroit en cela vn mauuais conseil, du moins auoir en fcsdits Conseils quelques particuliers affidez pour luy donner aduis de ce qui s'y passera.

Sadiete Majesté prenant les resolutions susdictes, elle fera tomber à ses pieds l'ignorance & iniustice, releuera la Iustice que ses Monstres foulent aux pieds, regnera de siecles entiers, avec toutes benedictions de ses subjets, lesquels voyans la porte de la verité ouuerte aux gens de bien, s'efforceront à l'enuy les vns des autres, de l'embrasser pour seruir sadiete Majesté, avec toutes sortes de fidelitez.

F I N.





